

詩

經

小

學

刻詩經小學錄序

詩經小學金壇段君玉裁所著補遺鐫堂從翰林學士盧
召弓遊始知段君以鄙論尙書古今文異同四事就正
段君致書盧先生云高足臧君學識遠超孫洪之上盧
先生由是益敬異之既而段君自金壇過常州攜尙書
撰異來授之讀且屬爲校讐則與鄙見有若重規而疊
矩者因爲參補若干條劉端臨訓導見之謂段君曰錢
少詹簽駁多非此書之言不若臧君箋記持論正合也
而詩經小學全書數十篇亦段君所授讀鐫堂善之爲
刪煩纂要國風小大雅頌各錄成一卷以自省覽後段

君來見之喜曰精華盡在此矣當即以此付梓時乾隆
辛亥孟秋也竊以讀此而六書假借之誼乃明庶免穿
鑿傳會之談段君所著尙書撰異詩經小學儀禮漢讀
考皆不自付梓有代爲開雕者又不果而此編出鐫堂
手錄卷帙無多復念十年知己之德遂典裘以畀剞劂
氏此等事各存乎所好之篤不篤耳原未可以力計也
書中每言十七部者段君自用其六書音均表之說嘉
慶丁巳季冬武進臧鏞堂書於南海古藥洲之譔詒齋

順德胡垣表寫樣馮裕祥鐫字

詩經小學卷第一

金壇段氏

國風

關關雎鳩

爾雅說文皆作鵽

在河之洲

說文曰水中可居曰州詩曰在河之州 按爾雅毛

傳皆云水中可居者曰州許氏正用之

君子好逑

鄭箋怨耦曰仇釋文逑本亦作仇 按兔置必侯好

仇說文速字注怨匹曰速左傳怨偶曰仇知速仇古通用也

輾轉反側

按古惟用展轉詩釋文曰輾本亦作展呂忱從車展知輾字起於字林說文展轉也

服之無斃

禮記緇衣王逸招魂注皆引詩服之無射按斃爲本字射爲同部假借

薄澣我衣

說文作澣今通作澣按幹爲榦之俗當作澣不當

作澣

害澣害否

傳曷何也 按古害讀如曷同在第十五部於六書
爲假借也葛覃借害爲曷長發則莫我敢曷傳曷害
也是又借曷爲害

我馬瘠矣我僕痡矣

爾雅痡瘠病也釋文痡詩作鋪瘠詩作屠 按今詩
不作屠鋪惟雨無正淪胥以鋪毛傳鋪病也爲假借
云何盱矣

爾雅注詩曰云何盱矣邢疏云何盱矣者卷耳及都

人士文也 按今作吁誤也何人斯云何其吁都人
士云何吁矣經文無吁字

螽斯羽

爾雅螽螽螽螽釋文螽本又作螽詩作斯 按螽螽
同在第一十六部猶斯析同在第一十六部也螽螽亦稱
螽螽非如鶯斯之斯不可加鳥

詵詵兮

釋文曰說文作彘玉篇彘多也或作莘駢駢牲五
經文字旹色臻反見詩 按今說文無彘字東都賦
俎豆莘莘魏都賦莘莘蒸徒善注皆引毛萇詩傳曰

莘莘衆多也今詩螽斯作詵詵傳詵詵衆多也皇皇者華作駉駉傳駉駉衆多之貌桑柔作牲牲傳牲牲衆多也蓋其字皆可作莘莘說文引詩小雅莘莘征夫

薨薨兮

爾雅薨薨增增衆也釋文顧舍人本薨薨作雄雄按雄从佳左聲古韻雄與薨皆在第六部

繩繩兮

螽斯抑傳皆云繩繩戒慎下武傳云繩繩也爾雅兢兢繩繩戒也

捐捐兮

蓋輯字之假借說文輯車和輯也

有贊其實

按贊實之大也方言墳地大也說文頌大頭也磬之
華傳墳大也靈臺傳賁大鼓也韓奕傳汾大也合數
字音義考之可見

公侯干城

左氏傳公侯之所以扞城其民也故詩曰赳赳武夫
公侯干城蓋讀若干擷之干毛傳干扞也

施于中逵

按馮達本同字毛詩作逵韓詩作馮與公侯好仇爲
韻王粲從軍詩與愁由流舟收憂疇休留字爲韻古
音讀如求在第三部也至宋鮑昭乃與衰威飛依穢
字爲韻入於第十五部廣韻又分別馮在尤韻兼入
脂韻達專在脂韻顧炎武詩本音乃以脂韻之逵爲
本音而讀仇如其以協之引史記趙王友歌證仇本
有其音不知趙王友歌乃漢人之尤二韻合用逵與
馮一字古皆讀如求也

禮堂按趙王友歌漢書高五
王傳作仇史記呂后紀作馮

江之永矣

說文永字注引詩江之永矣業字注水長也引詩江

言廿六
之養矣 按永古音養或假借養字爲之如夏小正
時有養日時有養夜即永日永夜也

言秣其駒

說文餼食馬穀也無秣字廣韻秣同餼

遵彼汝墳

爾雅汝爲瀆注詩曰遵彼汝瀆大水溢出別爲小水
之名釋文瀆字林作洧衆爾雅本亦作洧 按說文
洧小流也爾雅曰汝爲洧瀆水厓也詩曰敦彼淮瀆
此詩從王太防之訓作墳爲正

惄如調飢

說文飢餓也饑穀不孰也唐石經飢渴皆作飢饑饑皆作饑按傳調朝也言詩假借調字爲朝字也調周聲朝舟聲

王室如燬

按說文火燬也燬火也焜火也方言楚語燬齊言燬古火讀如毀在第十五部焜燬皆即火字之異

百兩御之

按御爲訝之假借字訝或作迓相迎也古訝與御皆在第五部

維鳩方之

按毛方有之也四字一句猶言甫有之也下豈魯云
成之能成百兩之禮也本或無之字於方字作逗而
訓爲有朱子從之誤也戴先生曰方房也古字通
于沼于沚

傳于於 按恐與于以之于相亂故言于者於之假
借也鄭箋于以猶言往以也

南澗之濱

說文作𣶒無濱字隸作瀕省作頻

于彼行潦

傳行潦流潦也

按行當作汔汔溝水行也

維筐及筥

傳方曰篋圓曰筥

按說文方曰匡園曰簾匡俗作

筐簾方言作篋

于以湘之

傳湘亨也 按以湘爲亨同部假借古享獻烹孰元
亨同作昌在第十部又郊祀志云鴈亨上帝鬼神者
謂煮而獻之也亨讀如饗史記作亨鴈文倒當從漢
書師古注引韓詩于以鴈之鴈即說文之蒿字煮也
毛詩湘字當爲鴈之假借

有齊季女

玉篇引有齋季女考說文齋材也

勿翦勿伐

按俗以前爲苒後字以矢羽之翦爲前斷字

召伯所茇

說文废舍也引詩召伯所废茇艸根也毛詩作茇字

之假借漢書禮樂志拔蘭堂又借作拔字箋云茇草

舍也未免牽合其說

鑄堂按周禮大司馬中夏教茇舍注茇讀如萊沛之沛茇舍草

止之也軍有草止之法賈疏云以草釋茇以止釋舍

此茇爲正字又按毛傳本作茇舍也故箋申之云止

舍甘棠之下是毛鄭皆以茇爲废之假借今毛傳及

陸氏引說文皆衍作草舍也考正義曰茇者草也草

中止舍故云茇舍是孔氏雖不知茇爲废

之假借而孔本毛傳原無草字亦可見矣

素絲五紞

傳紞數也。紞數也。釋文數皆入聲音促東門之枌越以駸邁傳曰駸數邁行也。烈祖駸假無言傳曰駸總假大也。總大無言無爭也。毛意駸者總之假借總者數也。如數罟之數。九段傳曰九絨綬罟小魚之網也。烈祖駸假中庸作奏假奏亦讀如族。古者素絲以英裘五總謂素絲英飾數數然其數有五也。絨即縫五絨言素絲爲飾之縫有五也。紞讀爲佗佗加也。其英飾五故曰五佗。

委蛇委蛇

顧炎武唐韻正曰漢衛尉衡方碑禕隋在公酸策令
劉熊碑卷舒委隨成陽令唐扶頌在朝委隨 按君
子偕老委委佗佗說文委隨也古它聲隋聲字同在
第十七部

殷其雷

李善景福殿賦注引毛萇傳曰礮雷聲也

莫敢或遑

說文無遑字古經典多假皇爾雅惶暇也

標有梅

廣韻引字統云合作芟落也趙岐注孟子曰芟零落

也詩曰芟有梅漢書野有餓芟而不知發鄭氏曰芟音藁有海之藁按說文有受無芟受物落上下相付也標擊也同部假借作芟俗又按終南傳梅栟也墓門傳梅栟也與爾雅說文合說文梅栟也某酸果也凡梅杏當作某毛於此無傳蓋當毛時字作某後乃借梅爲某二木相溷也韓詩作楅說文楅亦梅字迨其謂之

毛意謂會也

不我以

爾雅不𢇛不來也說文𢇛下引詩不𢇛不來按蓋

即此句異文故爾雅釋之曰不𦵏我者不招來我也而說文仍之廣韻云𦵏不來誤

白茅包之

按釋文苞逋茹反裹也是陸本不誤注疏本釋文改爲包逋茅反本上聲而讀平聲矣其誤始於唐石經苞苴字皆从艸曲禮注云苞苴裹魚肉或以葦或以茅木瓜箋云以果實相遺者必苞苴之引書厥苞橘柚今書作包譌郭忠恕云以草名之苞爲厥包其順非有如此者失之不審

維絲伊緡

說文緡从糸昏聲昏从日从氏省氏者下也一曰民聲 按氏以氏省爲正體曰民聲者非也

我心匪鑒

匪本匡匪字詩多借匪爲非

威儀棣棣

說文𦘒下引詩威儀秩秩即此句異文猶平秩東作之作平𦘒也

不可選也

傳物有其容不可數也車攻序因田獵而選車徒傳選徒蹻蹻蹻蹻聲也維數車徒者爲有聲也 按選

皆算字之假借漢書引詩威儀棣棣不可算也說文
算數也鄭注論語何足算也云算數也算選同部音
近又夏官司馬羣吏撰車徒注撰讀曰算算車徒謂
數擇之也撰亦算之假借詩箋不云選讀曰算者義
具毛傳矣

仲氏任只

傳任大也正義曰釋詁文 按爾雅壬大也不作任
知毛作壬箋易傳爲睦婣任恤之任

願言則嚏

傳寘劫也疏引王肅云寘劫不行 按毛本同豳風

狼跋作𩇛箋作嚏說文石經並同廣韻十二霽嚏鼻
乞也玉清口部嚏噴鼻也詩曰願言則嚏鼻部璘
二同都計切鼻噴乞本作嚏嚏字从口者口鼻乞同
出也說文嚏悟解乞也引此詩釋文載崔說與說文
合而非毛鄭意考月令民多鼯嚏鼯謂病寒鼻塞內
則不敢噦噦嚏咳欠伸跛倚嚏鼻乞也欠張口气悟
也若以嚏爲欠坎是內則嚏欠複矣說文悟解乞之
說未當

雝雝鳴鴈

說文雁鳥也鴈鴈也是鴻雁當作雁鴈鴈當作鴈

追冰未泮

古泮與判義通說文無泮字王篇泮散也破也亦泮
宮俗本字書又載泮字

不我能慍

說文引詩能不我慍 按能之言而也乃也詩能不

我慍能不我知能不我甲皆同今作不我能慍誤也

鄭注周易宜建侯而不寧而讀爲能此詩與芄蘭能

讀爲而古能而音近同在第一 部傳慍興也與說文

慍起也亡今本興作養誤 鏞堂案釋文云慍毛興

養從王

肅也

昔育恐育鞫

顧亭林曰唐石經凡詩中鞫字自采芑節南山蓼莪之外並作鞠今但公劉瞻卬二詩從之餘多俗作鞠

按鞠从革刂聲蹋鞠也或作籀籀窮治罪人也从

𠂔从人从言竹聲或作𦰩今俗作鞫毛詩傳或云窮

也

谷風南山

或云究也

劉公

或云盈也

節南山

或云告也

采芑告

爲假借窮究盈皆本義其字皆當作鞫蓼莪傳云養也亦當作鞫鞫爲窮亦爲養相反而成猶治亂曰亂也

亦以御冬

傳御禦也 按以御爲禦此假借也

既詒我肄

傳肄勞也 按勩之假借字也

胡爲乎泥中

泉水之禰韓詩作坭蓋即其地廣韻坭地名

左手執籥

說文作龠玉篇引詩左手執龠 按今以龠爲量器

以書僮竹筥之籥爲樂器

隰有苓

爾雅毛傳苓大苦說文藟大苦從爾雅毛傳

泌彼泉水

釋文韓詩作泌說文作泌 按說文泌字注讀若詩

云泌彼泉水不作泌彼泉水說文泌俠流也爲正字
毛作泌韓作泌皆同部假借字衡門泌之洋洋傳泌
泉水也正義云邶風曰泌彼泉水故知泌爲泉水魏
都賦溫泉泌涌而自浪劉淵林引泌彼泉水善曰說
文曰泌水駛流也泌與泌同

不瑕有害

傳瑕遠也箋瑕過也害何也 按毛以瑕爲遐之假
借鄭以害爲曷之假借一子乘舟篇同

三九八
俟我於城隅

傳俟待也 按俟大族待此借俟爲族詩多用于偶
有作於者如此篇及於我乎夏屋渠渠是也

愛而不見

說文僂仿佛也詩曰僂而不見又夔蔽不見也爾雅
夔隱也方言揜翳夔也郭注謂隱蔽也詩曰夔而不
見 按禮記祭義僂然必有見乎其位正義引詩僂
而不見離騷衆夔然而蔽之詩之夔而猶夔然也

河水瀾瀾

說文瀾滿也从水爾聲 盧紹弓曰漢地理志引邶

詩河水泮泮師古注今邶詩無此句考玉篇水部泮
亡爾切下泮字集韻泮或作泮然則泮泮乃泮泮之
譌廣雅釋北有泮字今亦譌爲泮

新臺有洒河水浼浼

釋文有洒韓詩作漙浼浼韓詩作浼浼 按此必首
章新臺有泚河水瀾瀾之異文漙浼字與泚瀾同部
與洒浼字不同部又毛傳泚鮮明貌韓詩漙鮮貌毛
傳瀾瀾盛貌韓詩浼浼盛貌是其爲首章異文陸德
明誤屬之二章無疑

不可襄也

按古襄攘通史記龜策傳西襄大宛徐廣曰襄一作攘

其之翟也

按此篇也字疑古皆作兮說文引玉之瑱兮邦之媛兮著正義引孫毓故曰玉之瑱兮皆古本之存於今改之未盡者也古尚書周易無也字毛詩周官始見而孔門盛行之兮在第十六部也在第十七部部異而音近各書所用也字本兮字之假借此篇也字古作兮遵大略二也子一本皆作兮尸鳩首章兮字禮記淮南引皆作也

鏞堂按蝦蟇乃如之人也韓詩外傳一列女傳七皆作乃如之人兮

旄邱何兵處也韓詩
外傳九乍何其處兮

美孟弋矣

春秋定姒穀梁傳作定弋弋即姒同在第一部說文
作妣

作于楚宮

按喪大記注云僞或作于聲之誤也

靈雨既零

按靈同霑說文霑零也既零猶言既殘說文零餘雨
也廣韻作徐雨誤

言采其蟲

三
二
菑之假借爾雅說文皆云菑貝母也

綠竹猗猗

大學引詩菰竹猗猗爾雅菰王芻邢疏詩云瞻彼淇
澳菰竹猗猗是也又竹篇蓄邢疏孫炎引詩衛風云
菰竹猗猗說文菰王芻也詩曰菰竹猗猗後漢書注
引博物志澳水流入淇水有菰竹草水經注淇水篇
詩云瞻彼淇澳菰竹猗猗毛云菰王芻也竹編竹也
漢武帝塞決河斬淇園之竹木以爲用寇恂爲河內
伐竹淇川治矢百餘萬以益軍資今通望淇川無復
此物惟工芻編草不異 按毛詩作綠字之假借也

離騷蒼泉施以盈室兮王逸注引終朝采葍今毛詩
亦作終朝采綠魏都賦南瞻淇奧則綠竹純茂言綠
與竹同茂也故以冬夏異沼麗句上林賦揜以綠蔥
張揖曰綠王芻也 毛傳竹蕭竹也釋文竹韓詩作
蕭蕭蕭也石經亦作蕭爾雅竹蕭蕭釋文竹本又作
莛說文莛蕭莛也蕭水蕭莛也神農本草經蕭蕭味
苦平陶貞白云人亦呼爲蕭竹 按李善引韓詩作
葍玉蕭曰葍同蕭

有匪君子

大學作有斐君子

按考工記匪色似鳴亦即斐字

綠竹青青

按淇與茗華之青青與杕杜菁菁者莪之菁菁同也
淇與傳青青茂盛貌杕杜傳菁菁葉盛也菁莪傳菁
菁盛貌

綠竹如簣

韓詩綠葍如簣簣積也 按毛傳亦云簣積也簣即
積之假借字古人以假借爲詁訓多如此

譚公維私

說文鄆國也齊桓公之所滅無譚字

螭首蛾眉

說文頰好兒从頁爭聲詩所謂頰首 按頰首即螭
首毛傳但云頰黃而方不言螭爲何物鄭箋乃云螭
靖靖也知毛作頰鄭作螭 蛾眉毛鄭皆無說王逸
注離騷云蛾眉好貌師古注漢書始有形若蠶蛾之
說離騷及招魂注並云蛾一作蛾今俗本倒易之蛾
作蛾字之假借如漢書外戚傳蛾而大幸借蛾爲俄
宋玉賦眉聯娟以蛾揚揚雄賦何必颺纍之螫眉處
妃暫不得施其蛾眉皆蛾之假借字蛾者美好輕揚
之意方言蛾好也秦晉之閒好而輕者謂之蛾大招
蛾眉曼只枚乘七發皓齒蛾眉張衡思元賦嫫眼娥

眉陸士衡詩美目揚玉澤蛾眉象翠翰倘從今本作
蛾則一句中用蛾又用翠羽稍知文義者不肯也毛
傳蓋脫蛾眉好貌四字

鑄堂按謂毛傳脫此四字不敢信今遽增入傳中恐非

朱幘鑣鑣

王篇引詩朱幘儻儻按碩人清人皆當同載驅作
儻儻此誤作鑣鑣者因傳有以朱纏鑣之文也說文
引朱幘儻儻俗本亦改作鑣鑣

庶姜孽孽

釋文韓詩作轡轡長貌呂覽過理篇宋王築爲藥臺
高誘注藥當作轡藥與轡其音同詩云庶姜轡轡高

長貌也 按爾雅蓁蓁萋萋戴也毛傳萋萋盛飾也
蓁蓁至盛也廣韻櫛頭戴物也此謂庶姜姿首美盛
如草木枝葉說文櫛槩不枿同今毛詩爾雅作萋誤
淇水漺漺

說文攸行水也从攴从人水省秦刻石嶧山文作汶
按古當作淇水攸攸後人誤改爲漺又誤改爲漺
皆未識說文攸字本義也王逸楚詞九歎注油油流
貌詩曰河水油油疑有誤

容兮遂兮

箋云遂瑞也是以遂爲遂之假借字大東傳遂瑞也

一輦杭之

說文航方舟也从方亢聲臣鉉等曰今俗別作航非是 按說文杭同抗

會不容刀

釋文刀字書作舠說文作舠正義曰說文作舠舠小舠也 按今說文脫舠字

伯兮揭兮

玉篇引詩伯兮偈兮 按應從玉篇作偈說文揭去也無偈字

彼黍離離

廣韻穠、穠、黍、稷行列也。佩觿：彼黍稷，劉向九歎覽
芷圃之蠹。王逸注：蠹，蠹猶歷歷。按：蠹，蠹即離離。
古蠹在十六部，離在十七部，異部音近假借也。
不與我戍許。

說文作無。周許子鐘作𨔵，見薛尚功鐘鼎款識。
還予授子之粲兮。

傳粲餐此假借也。粲餐同部。

火烈具舉。

傳烈列具俱也。按言烈爲列之假借，具爲俱之假

借也。

鑄堂按：張平子東京賦：火烈具舉，是三家詩烈作列。

抑釋抑忌

左氏傳釋甲執冰字之假借也

抑鬯弓忌

秦風作韞爲正字

二矛重喬

釋文喬毛音橋鄭居橋反雉名韓詩作鵠 按車輦
及爾雅有鵠字說文雉下作喬雉鳥部有鵠字

河上乎逍遙

釋文逍木又作消遙本又作搖五經文字序說文有
不備者示之字林若祧禰逍遙之類說文漏略今得

之於字。竹臣鉉等曰。詩只用消搖。此二字。字林所加。
爾雅徒歌曰。謠。孫炎曰。聲消搖也。漢書司馬相如傳。
消搖乎襄羊。莊子消搖遊。張衡思元賦。與仁義乎消
搖。

彼其之子

左氏襄二十七年傳。引詩。彼己之子。邦之司直。史記
匈奴傳。彼己將帥。裴駰引詩云。彼己之子。索隱云。彼
己者。猶詩人譏詞云。彼己之子是也。按左氏傳云。
終不曰公曰夫己氏。公羊傳云。夫己多乎道。夫己猶
彼己也。彼己或作彼記。或作彼其。束皙補亡詩。彼居

之子居讀如檀弓句居與彼其彼已同也善曰居未仕誤

舍命不渝

管子澤命不渝澤即釋釋即舍也

摻執子之祛兮

傳摻攬也以音近之字爲訓

雜佩以贈之

戴先生云當作貽按古人徵召爲官徵得來爲登

來仍孫爲耳孫詩訓爲承也皆之哈職德韻與蒸登韻相通之理此來贈爲韻古合韻之一也不當改爲

貽

顏如舜華

說文舜艸也舜木華朝華莫落者从艸舜聲詩曰顏如舜華按舜舜舜舜古今字詩當作舜轉寫脫耳耳高誘注呂氏春秋仲夏紀引詩顏如舜華

山有扶蘇

說文扶疏四布也郭忠恕佩觿山有扶蘇與扶持別山有橋松

蓋喬假借字

褰裳涉溱

說文潛水出鄭國以水曾聲詩曰潛與洧溱水出桂陽臨武入滙从水秦聲廣韻潛水南入洧詩作溱洧誤也按秦聲在今真臻韻曾聲在今蒸登韻此詩一章溱與人韻二章洧與士韻出鄭國之水本作溱外傳孟子皆作溱洧說文及水經注作潛誤也史記南越尉陀列傳湟谿索隱曰鄒氏劉氏本湟並作湟音牛結反漢書作湟谿音皇又衛青傳云出桂陽下湟水而姚察云史記作滙今本有湟湟及滙不同蓋由隨見輒改故也南越尉陀列傳又云下滙水徐廣曰一作湟裴駰曰或作淮字索隱曰劉氏云滙當

作湟漢音云下湟水也說文湟水出桂陽縣盧聚至
湟浦關爲桂水 按湟水史記漢書作湟水匯者湟
之譌湟者湟之譌淮者匯之譌湟又或譌爲淮附此
以見古書之易譌

風雨瀟瀟

說文瀟水清深也水經注湘水篇二妃從征溺於湘
江神遊洞庭之淵出入瀟湘之浦用山海經語又釋
瀟字云瀟者水清深也用說文語今俗以瀟湘爲二
水名且瀟誤爲瀟矣羽獵賦風廉雲師吸噉瀟率西
京賦飛罕瀟箭流鏑擣擗皆形容歛忽之貌與毛傳

瀟瀟暴疾也意正合思元賦迅疾瀟其勝我舊注瀟疾貌李善引字林瀟深清也考廣韻一屋二蕭皆有瀟無瀟詩風雨瀟瀟是淒清之意入聲音肅平聲音修在第三部轉入第二部音宵俗本誤爲瀟玉裁見明刻舊本毛詩作瀟

三城闕兮

說文𡗗缺也古者城闕其南方謂之𡗗

人實廷女

傳廷誑也言廷爲誑之假借

聊樂我貞

釋文負本亦作云正義曰負云古今字助句辭也
按如秦誓之云來亦作負來

零露漙兮

正義曰靈作零字故爲落也 按此則經本作靈露
箋作靈落也假靈爲零字依說文則是假靈爲露

並驅從兩肩兮

說文引並驅從兩肩兮豳風作豳石鼓文作獬

取妻如之何

釋文取七喻反衆經音義曰娶七句切取也詩云娶
妻如之何傳曰娶取婦也元應所據毛詩與陸異或

是韓詩

其人美且鬚

箋云鬚讀當爲權權勇壯也 按今本作權誤說文
捲氣勢引國語有捲勇今齊語子之鄉有拳勇小雅
無拳無勇皆作拳五經文字權字注云從手作權者
行拳握字可知鄭箋从手非从木與捲勇拳勇字同
今字書佚此字而僅存於張參之書也吳都賦覽將
帥之權勇善曰毛詩曰無拳無勇拳與權同俗刻文
選譌誤不可

其魚唯唯

釋文韓詩作遺遺玉篇遺遺魚行相隨廣韻五言遺魚盛貌

齊子發夕

韓詩發旦也 按從韓是發夕即旦夕也又方言發令車也東齊海岱之間謂之發郭注今通言發寫也詩發夕蓋猶發寫古夕寫皆在第五部

齊子豈弟

按鄭以閭闔麗發夕但以韻求之闔在五部濟瀾弟同在十五部闔與濟瀾不爲韻上章發夕或從韓詩旦夕之義或爲發卸之假借未嘗非疊字麗句也

倚嗟名兮

按薛綜西京賦注眇眉睫之間是名可从目作眇也

父曰嗟予子

隸釋石經魯詩殘碑父兮父

闕一字

曰嗟予子行役夙

夜母已尚慎

按父下所闕一字亦必兮字疊上文

父兮而言也近有重刻隸釋石經不闕妄甚父曰嗟

予子母曰嗟予季兄曰嗟予弟皆五字句子與已止

韻季與寐棄韻弟與偕死韻行役夙夜無已六字句

陟彼配兮

傳山無草木曰岵山有草木曰配

按爾雅說文皆

誤與毛傳相反。岵之言瓠落也。岵之言芟滋也。岵有陽道，故以言父無父何怙也。配有陰道，故以言母無母何恃也。

坎坎伐輪兮

石經魯詩殘碑，欲欲伐輪兮。按此則首章二章皆同。廣雅欲欲聲也。

山有樛

釋文樛本或作蔭，烏侯反。爾雅樛莖，釋文樛烏侯反。本或作蔭。地理志：山樛，師古曰樛音甌。聲韻考曰：詩山有樛，字本作樛，烏侯反。刺榆之名，或不加反音讀。

如戶樞之樞則失之矣。按魯詩作蔭毛詩作樞亦作蔭相承讀烏侯反唐石經譌爲戶樞字而俗本因之。

弗洒弗埽

說文灑汎也汎灑也洒滌也古文以爲灑埽字。按毛詩及論語皆作洒曲禮於大夫曰備埽灑則作灑蓋漢人用灑埽字經典相承借用洒滌字毛傳及韋昭注國語皆云洒灑也言假洒爲灑也。

我聞有命不敢以告人

荀子臣道篇時窮居於暴國而無所避之則崇其美

隱其敗言其所長不稱其所短以爲成俗詩曰國有大命不可以告人妨其躬身按所引即此詩異文前二章皆六句此章四句殊太短左氏定十年傳言臣之業在揚水卒章之四言者恐漢初相傳有脫誤

禮記注左傳定十年杜注云卒章四言曰我聞有命是杜以一字爲一言也

見此粲者

廣韻粲字注曰詩傳云三女爲粲又美好貌詩本亦作粲說文又作攷

噬肯適我

傳噬逮也方言同

按爾雅作噬逮也爲正字韓詩

作逝

采苓采苓

按苓大苦也枚乘七發蔓草芳苓揚雄反離騷愍吾
纍之衆芳兮颺燿燿之芳苓遭季夏之凝霜兮慶天
頓而喪榮曹植七啟搴芳苓之巢龜皆借苓爲蓮蓋
漢人讀蓮如鄰故假借苓字史記龜策傳龜千歲乃
遊蓮葉之上徐廣曰蓮一作領聲相近假借是又借
領爲蓮也顏師古注漢書揚雄傳但云苓香草名不
知爲蓮之假借字李善注文選七發直臆斷曰古蓮
字於七啟又曰與蓮同皆不指爲假借以致朱彝尊

引李注證唐風芴即蓮由六書之言不明也漢時假借甚寬如借芴領爲蓮可證

駟驥孔阜

石鼓文我馬既駟

公矛鋠

禮記進矛戟者前其鏃 按說文鏃下垂也鋠矛戟秘下銅鐔也詩曰公矛沃鐔是其字以秦風爲正也蒙伐有苑

箋云蒙麗也說文駟盾也从盾友聲玉篇駟盾也詩曰蒙駟有苑本亦作伐駟同駟史記蘇秦列傳咬芮

索隱曰咬同敝謂楮也苒謂繫楮之紛綬也按厖同尤

遡洄從之

說文滂或作遡爾雅作泝即滂之俗

有條有梅

爾雅柚條毛傳條栢也與爾雅異

顏如渥丹

釋文丹韓詩作汭按渥汭即邶風之沃赭也古者

聲石聲同在第五部

百夫之防

傳防比也 按蓋同方

隔有六駁

說文駁駁異字此傳云倨牙食虎豹之獸是駁字也
東山傳云駮白駁是駁字也陸機云梓榆樹皮如駁
馬則此宜作駁陸意六駁與苞櫟爲類按鵲巢言茗
甕言鵲之等不必駁與櫟不爲類也

於我乎夏屋渠渠

魯靈光殿賦注引崔駰七依夏屋蘧蘧

歌以諱止

爾雅諱告也釋文諱沈音粹郭音碎說文諱讓也以

言卒聲國語曰諄中音廣韻六至諄下引詩歌以諄
止按諄諄義別諄多譌作諄如爾雅諄告也釋文
云本作諄音信說文引國語作諄今國語作諄詩歌
以諄止諄子不顧傳諄告也莫肯用諄箋諄告也正
用釋詁文而釋文誤作諄以音信爲正賴王逸離騷
注及廣韻所引可正其誤耳廣韻引歌以諄止今本
止譌之列女傳作歌以諄止諄字雖誤止字尙未誤
心焉惕惕

說文或作愁按屈賦九章云悼來者之愁愁

勞心慘兮

毛晃曰詩小雅白華念子懞懞陸音七倒反又引說文七感反云亦作慘北山或慘慘劬勞陸音七感反字亦作懞蓋俗書懞與慘更互譌舛陸氏不加辨正而互音之非也白華懞當作草慥二音不當音七感反字作慘亦非北山慘當作七感反字不當作懞又陳風月出勞心慘兮亦誤當作懞

有蒲與蘭

按鄭箋欲改蘭爲蓮說詩稍泥意在三章一律蓮與荷菡萏皆屬夫渠詩人不必然也權輿詩亦欲以後章律前章釋夏屋爲食具不知首句追念始居夏屋

天句言今每食無餘次章承每食二字又將今昔比較三每食字蛸蟬綫綜最見文章之妙載驅欲改豈弟爲圍與發夕麗句然而以韻求之非矣盧令二章改騷爲拳勇字亦非

蛸蟬掘閱

按古閱穴通宋玉風賦枳句來巢空穴來風枳句空穴皆重疊字枳句即說文之積穠木曲枝也鄭注明堂位云棋之言枳棋也謂曲撓之也枳棋即積穠陸機云棋曲來巢也空穴即孔穴善注引莊子空閱來風司馬彪云門戶孔空風善從之掘閱當從說文作

堀閱言蜉蝣出穴也老子塞其兌閉其門兌即閱之
省假借字也

三百赤芾

按說文市韠也天子朱市諸侯赤市篆文作韠韠韠
也所以蔽前从韋畢聲鄭注禮記韠韠皆言蔽也或
借蔽字爲之如論語致美乎蔽冕是也或借芾字爲
之如詩候人斯干采芾皆作芾是也或借沛字爲之
如易豐其沛一作芾鄭康成云蔽芾是也或借芾字
爲之如李善引毛詩赤芾在股朱芾斯皇又三百赤
芾釋文一作芾廣韻芾同芾是也或借紱字爲之如

乾鑿度朱紱方來因於赤紱是也紱綬也

李善引蒼頡篇黻

黑與青相次文也芾小也

爾雅毛傳同

芾道多草不可行

也沛水也各有本義而方言蔽膝謂之被說文被蠻

夷衣一曰蔽邾方言蔽邾江淮之間謂之褱說文褱

蔽邾是被字褱字又蔽邾之異名

鳴鳩在桑

釋文本亦作尸

按方言尸鳩東齊海岱之間謂之

戴南南猶鷺也

冽彼下泉

傳冽寒也大東傳冽寒意也唐石經誤作冽詩本音

從之考易井冽字从水列聲清也詩冽彼下泉有冽
沍泉字从公列聲寒也東京賦元泉冽清薛注冽澄
清貌善注引冽彼下泉誤

二之曰栗烈

下泉正義七月云二之曰栗冽字从冰是遇寒之意

文選長笛賦正瀏漚以風冽注毛傳漚寒也今本風

賦懔懔懔注毛詩傳懔冽寒氣也古詩十九首注

毛詩曰二之曰栗冽毛萇曰栗冽寒氣也說文漚寒

也玉篇漚冽寒皃冽寒氣也廣韻十七薛冽寒也五

質漚冽寒風 按五經文字公部有漚字知七月作

凜也今說文無冽字有冽沆泉正義引說文冽寒貌
高唐賦注引字林冽寒風也嘯賦注引字林冽寒貌
是唐時說文字林均有冽字今說文冽譌爲瀨釋文
云栗烈說文作颺颺考風部不引此詩 按凜冽凜
冽皆疊韻字以說文爲正凜字在第十二部凜冽
字在第十五部如氤氲壹鬱之類驚發栗烈皆音之
譌小雅驚沸檻泉司馬相如賦作澤沸一作澤淳驚
古文諄字在十五部說文火部燁燁火兒上字十二
部下字十五部正與凜冽澤沸同驚从角聲當爲
波沸字之假借不爲凜澤字之假借且其字不古雅

當從說文所引作𦵏次爲正

三之日于耜

說文耜耒耑也或作鉞籀文作𦵏

八月萑葦

說文萑从艸萑聲五經文字萑从艸下萑今經典或相承隸省省艸作萑按萑从艸萑聲下从萑雀之萑唐石經誤作萑而後改正之今七月小弁萑字皆模糊也

六月食鬱及萸

上林賦隱夫萸棣張揖曰萸山李也閒居賦梅杏郁

棣善曰郁今之郁李郁與萸音義同說文萸艸也詩
曰食鬱及藿按掌禹錫等本草嘉祐蘇頌本草圖
經皆引食鬱及藿爲韓詩訓以爾雅藿山韭

采荼薪樗

傳樗惡木也玉篇誤作樗惡木廣韻同爾雅樗山樗
說文柎山樗今說文誤作山樗

黍稷重穆

按說文種爲種稷種爲種植字林同見五經文字詩
作重穆周官經作種稷說文稷或作穆

上入執宮公

今本公作功誤也不繫箋云公事也天保靈臺傳云公事也此箋云治宮中之事正義云經當云執宮公定本執宮功不爲公字按今襲唐定本之誤六月傳云公功也今俗人用膚功亦非

零雨其濛

說文霈雨零也从雨𩇛象形詩曰霈雨其濛石鼓文
避來自東霈雨奔流

果臝之實

說文苦萇果蓏也

蟪蛄在戶

釋文蠨音蕭說文作蠨音夙爾雅蠨蛸長跖釋文蠨
詩作蠨說文蠨蛸長股者廣韻蠨蛸蟲一名長蛟出
崔豹古今注按蠨正蠨謠風雨之瀟誤爲瀟可證
一切經音義引作蠨蛸在戶云上音蕭下音蕭此古
字古音也勝於釋文遠矣

町腫鹿場

說文引作腫按古重重通用廣韻腫亦作腫亦作
暖王逸九思鹿蹊兮蹢蹢亦作蹢音吐管切即腫字
也說文蹢蹢也集韻作蹢

烝在栗薪

箋云栗析也古者設栗裂同也按栗在十二部裂在十五部異部而相通近也韓詩作烝在蓼薪廣韻蓼同蓼蕭蓼莪之蓼傳云敦猶專專烝衆也言我心苦事又苦也毛意此二句於六詩爲比內而心苦外而事苦正如衆苦瓜之繫於栗薪合之韓詩亦無析薪之意鄭箋以瓜苦爲比析薪爲賦失毛意而非詩意矣軍士在師中至苦而不見其室者三年故光武之冊陰后亦曰自我不見于今三年也

狼跋其胡

李善西征賦注文字集略曰狼狽猶狼跋也孔叢子

曰吾於狼狽見聖人之志。按孔叢子狼狽謂狼跋之詩也。狽即跋字。跋與古通用。說文跋蹢也。蹢步行獵跋也。無狽字。狽即蹢之譌。因狼从犬而蹢誤从犬。獫狽狽狽俗。因狽从犬而狽亦誤从犬。作獫也。蕩詩顛沛即蹢跋之假借。傳顛仆也。沛跋也。今譌拔沛跋蹢同。在第十五部。今沛蹢讀去聲。古與跋同入聲。是以通用假借。自去入岐分。罕知顛沛即蹢跋之假借。且罕知狽即蹢之譌。蹢即跋之通用字矣。